

百名家詞鈔

名家詞鈔目錄

廬陵 聶先 晉人

卷定

長水 曾王孫 道扶

秋閒詞

長水 王庭邁人

點絳脣 春光好

卜算子 二調 巫山一段雲

海棠春 南歌子

杏花天 二調 臨江仙

黃金縷

破陣子

青玉案

祝英臺近

越溪春

驀山溪

二調

滿江紅

二調

水調歌頭

二調

滿庭芳

醉蓬萊

八聲甘州

三姝媚

念奴嬌

二調

東風第一枝

水龍吟

綺羅香

永遇樂

安公子

風流子

沁園春

摸魚兒

二調

蘭陵王

秋閒詞

長水 王 庭 邁人

點絳脣

訪友賀橋卽事

曲港萍開輕舟緩動微風起人家能幾一半紫流水  
樹倚危橋帶得昏鴉語情何許淡烟如雨秋在斜  
陽裏

春光好

晴日麗雨花新正當春船下清波陌上塵逐情人  
輕踏枝邊鶯路徐看水面鴛紋舞欲隨風歌過雲有

紅裙

卜算子 和辛詞

客亦似烟霞走且如牛馬不識先生何許人世上悠悠者  
薇蕨野麕糧柴竹村莊瓦耐得山家不壓貧  
我盍歸來也

前調 自嘲

試鞋紫絲韉一躍青駝馬腰下隨懸三尺刀我是行  
間者  
縈蓋豈非榮挾彈何妨雅見獵平生有喜心  
莫謂先生假

巫山一段雲

千載風流事。惟應宋玉知。往來朝暮幾相思。慚却夢  
無時。易得幽期許。難爲才子期。安排雲雨待新詞。  
何事竟無詩。

海棠春 燈花

黃昏牕外沉沉雨。冷照壁一燈如水。小釵吐雙花。爲  
報明朝喜。縈烟黯黯。搖光疊疊。似對愁人細語。花  
落肯重開。再把燈挑起。

南歌子 齋夜

掩卷深思歇。焚香妙氣迎。紙窓時過暗風聲。又有潺湲灘響枕邊生。漏向前街斷。鐘於近寺鳴。心持半偈夢來輕。消得重來愁嘆許多情。

杏花天

和史蘧菴登烟雨樓

長堤貼水芹芽短。斷烟裏猶存舊館。遊人過處鐘聲晚。日影西林落半。燕飛去。波間剪剪。垂楊柳。風開面面。慙高未許雙眸倦。且看紅霞千片。

前調

咏茶

春風摘自纖纖手。品名泉每携嘉友。爐香清絕堪相



偶愧爲狂夫醒酒。煩悶解飲之既久。慵倦至吸之。  
還又心中快活。難于口不盡形容。黃九。

臨江仙

放言

眼見古人今盡死。今人後又如何。文章雖是得名多。  
劫灰終有待。莫道不消磨。但苦人生長失意。應知  
鬼有蹉跎。黃錢一陌尚爭他。夜臺多少路。何處不奔  
波。

黃金縷

寓恒陽署後齋作

牆外轆轤聞汲井。小院門深鎖。任西風冷。留得方庭。

天○一○頃○斜○陽○樹○樹○添○鴉○影○  
薄○酒○依○然○愁○不○醒○漫○展○  
囊○書○燈○落○燒○殘○燼○獨○旅○中○宵○心○易○警○更○深○惡○甚○偏○教○  
永○

破陣子

村晚

未○換○林○邊○綠○葉○初○開○籬○下○黃○花○寂○寂○無○人○常○吠○犬○荒○  
荒○薄○暮○正○啼○鴉○前○村○秋○幾○家○偶○墮○兩○聲○暗○雨○還○開○  
一○縷○明○霞○溪○浪○須○催○風○箭○急○山○光○遙○映○月○鉤○斜○歸○來○  
酒○要○賒○

青玉案

對奕解嘲

生來未辨碁中味。但隨手如兒戲。消得日長還事事。  
無謀憑笑。忘機遍適。十局須臾既。何人苦作爭先  
計。殺路相逢。早知避。戀子難時多也。棄勝不求完壞。  
無思覆省。却閒心費。

祝英臺近

秋步川稼軒前

水茫茫。烟淡淡。此地似秋浦。落葉蕭蕭。此日又零雨。  
過橋恰見前村。竹垣深護。試相訊。何人曾住。遙天  
覩。又見飛雁南來。雲中遠。堪數。岐路驚心。怕聽亂鴉  
語。便歸牢掩柴門。閒愁多處。遣不得。砌邊蛩去。

越溪春 湖夜

常在最高樓上坐。日夕見西湖。画船載妓。懽游徧過。  
夕陽徐歇。笙歌波影。淒迷山沉。雲樹城鎖。烟蕪鐘  
聲近寺。應多林外噪。棲鳥夜深。三里五里。緩步尋吟。  
覓醉無徒。夢逐梅花。偏冷人看。皎月同孤。

驀山溪 春游

東風暖也。做出晴光好。走馬試輕塵。新綠徧齊齊軟。  
草垂楊影裏。露出幾紅桃。蜂未過。鶯聲早春到。三分  
了。尋芳女伴。路踏遺香。嬾輕薄。那兒郎。慣欺人追。

隨○莫○惱○旂○亭○買○酒○。酩○酩○各○忘○歸○。湖○波○濶○。迷○烟○渺○。遠○浦○漁○燈○小○。

前調

夜集用秋嶽韻

夜○還○來○也○。更○覺○秋○無○賴○。門○鎖○棘○垣○深○。但○相○見○。須○償○酒○債○。昨○宵○雨○過○。今○夜○月○如○何○。愧○作○賦○。與○彈○琴○。適○我○聊○爲○快○。英○雄○在○坐○。意○氣○須○豪○邁○。壯○業○起○。攀○鱗○。歷○諸○艱○。成○無○一○敗○。姑○言○妄○者○。尚○有○夢○堪○誇○。憑○入○穴○。且○乘○車○。此○事○君○休○怪○。

滿江紅

漫吟

亦復奚須守蠹簡。皇皇謀食應問我。於今誰是救時之急。科目授人曾得五。文章用世聊知一。待并將盤錯付他年。嗟無及。正直者徒存筆。高明者還亾室。苟行藏詳審。豈辭終迓。原憲謂貧非是病。向平讀損何如益。任南山北與北山南。堪棲息。

前調 唐濟武曹承旨吳山倡和次韵

傾蓋非他恰宇宙。聞名相識因結伴。高城山頂重湖橋北。載酒鳴箏孤夜舫。尋花踏雪雙寒屐。道人間放浪有吾徒。堪同客。情鷗鷺盟無圻。才龍虎酌還敵。

笑榮枯影事。賢寓塵跡。頭在三公。猶是黑服。逢一世。  
當爲白。待重來。鴛水續清歡。寧忘昔。

水調歌頭

解嘲

造化爾何物。顛倒使人疑。可能食肉皆鄙。岩穴果多  
奇。假使巢由軒冕。共效夔龍勲業。優劣正難知。孰謂  
問津叟。未必勝長沮。名當敗。功輒幸。數多奇。射虎  
南山。飛將奴僕。不能如。江上坐談劉表。若使遭逢平  
世。鼎足豈非宜。生亮正須爾。何事又生瑜。

前調

印佩畏親串鼎食。傾諸侯。正自不能不爾。貧賤使人  
羞。假令王章妻子。便以牛衣終老。對泣幾時休。寄謝  
孔門侶。甕牖爾何求。英雄事。須慷慨。會風流。昨夜  
南塘出者。擊節誓還酌。行樂東山安石。捉鼻爲蒼生  
起。殷浩豈其儔。江上有漁父。憔悴笑靈修。

滿庭芳

旅次

葉墮霜黃。魚翻波白。晚雨還渡重湖。北來飛雁。正遇  
旅人孤。聞說西風信惡。木霜驟。馬足難蘇。情須怯。行  
千里路。未半是長途。前宵村店宿。床支折軸。壁臥



殘蘆怪濕烟。烘竈難煖。提壺夢起。幢幢燈影。征鞍促。  
短髮寒梳。朝光黯。霜橋凍滑。中渡僕頻呼。

醉蓬萊

壽懸崖和尚六十

怪人生易老。縱入空門。亦既衰矣。試問行年。半趙州。  
云爾短髮多華。倦眸微微。但舌存遺齒。善病維摩。衆  
生難愈。故應如此。昨我來時。小窓晴日。吟句談經。  
躍然而起。世壽當知。有無生深理。牆角梅花。池頭楊  
柳。漏洩禪心。幾歲歲常新。看師曳杖。向春風裏。

八聲甘州

聽琴友秋鴻曲

乍排成一字。下長空和響到沙中。正晴波將黯浮烟。  
淅淅纖月濛濛。踏盡寒蘆。不定爭宿意。匆匆。溪夜頻。  
驚醒語夢猶慵。解有司更傳警。是孤畱隻影。夜繞。  
寒叢。趁朝光微動。一隊起霜風。爲呼羣飛。高還下。漸。  
嘹嘹遠去。入雲重。知多少。關山清怨。寫盡絲桐。

三姝媚

和詹惟正宋宮人北舟

載○千○冤○萬○苦○繞○蓬○牕○號○聲○淚○點○淒○楚○別○話○難○尋○只○石○  
塘○銜○接○去○舟○堪○數○短○纜○頻○催○怕○將○盡○三○吳○鄉○路○江○遠○  
茫○茫○河○激○湯○湯○歸○魂○消○阻○粉○褪○脂○殘○衆○侶○知○都○是○

深閨嬌羞兒女地。北天南。眼前人誰痛。愁花泣雨。此  
後升沉好。只有朱門歌舞。針線多羣旦。夕須拂塵土。

念奴嬌

咏淚

孤心盡稿。怪兩眼難乾。盈盈猶在。清鏡暗潮生幾度。  
信得愁根如海。影落空床。聲沉遙夜。枕上千行載開。  
箱還驗石榴裙色。須改。明是點點成珠。滿懷收拾。  
試倩何人賣宿。睡未消紅粉。漫又有新痕相待。細與  
絲牽。急於弦行。袖掩終無奈。滴他池水芙蓉垂死。奚  
怪。

前調 舟次

長風載浪。片帆輕許。歷離愁千斛。雨歇微寒。風墮盡。  
人遠征鴻。過目十里斜陽。孤村落葉。做得秋容足。故  
人南別。多情留製新曲。可知別後長途。沙塵漫漫。  
短草從無綠。聞說登臨何處。好塊壘。萬山成禿。魯酒  
難甘。吳綿欲瘦。夢冷荒原宿。黃昏燭影。對看惟有。僮  
僕。

東風第一枝 和葉星期贈陳子莊來修郡志

業繼陽秋。編分越絕。黎光夜煥。仙院餘才。遇物生情。

賦雪咏梅殆徧尋吟次第已到了紅絲巢燕趁日長  
點筆苔箋不住楊花飄硯搜有句一襲侈艷酌以  
字萬緣笑賤諸侯愛若瓊枝肯放庾樓興淺陪歡記  
昨看顧曲當筵初倦想去時薄夢殘燈醉倚一床書  
亂

水龍吟 春感

夾湖十里長堤誰家車馬香塵輾厨呼脯椽門邀鯖  
客紫絲障就花底篴留風邊裙繫懽觴稱壽見紛華  
自悅芳菲待拾肯追步他人後閉戶閑來白晝隔

窗紗啼鶯聲。又鳴琴竹裏彈碁石上。情懷依舊和盡。  
林梅吟殘謝草。儘堪消瘦。笑無情偏有。不是傷春兩  
眉常皺。

綺羅香

熒火

巧入簾中。偷過扇底。清簟俄流星影。乍遠因風。還被  
風迴吹近。一點點移上羅衣。恰信道秋來光冷。爲丁  
寧莫去。牆陰且教畱伴。夜間永。香烟將斷金獸。乍  
滅蘭釭。胆小空房私警。尙賴微明。偏照深更愁醒。凝  
倦眼殘夢難成。映離顏孤心齊耿。卜人歸常比燈花。

不知誰有準

永遇樂

九江風雨

千里飛帆。琵琶亭外。舊津何處。近岸偏開。臨關偏阻。  
淺泊隨波任。漂散鄰舟。呼號特地。聲亂長飈來去。燒  
微明蘆洲一點。恰照見城頭樹。深夜倉皇。傾牆斷  
纜。奔走長年無計。對酒忘斟。求眠失寤。雅量人何許。  
遠聽鳴鷄。漸聽吹角。一雨沉沉天曙。平生嘆江關嶺  
塞。百憂千慮。

安公子

夜泊見村桃用柳耆卿韵

烟際絲絲雨。濛濛野水荒天暮。小艇冥冥移漸遠。過幾堆沙鷺。逗疎光人家燈火明前浦。聽鄉音楚楚村童語。近小橋收纜。微辨牆頭紅樹。此夜驚孤旅。漫尋仙境吟還竚。世上桃源隨地有。只迷津深處。想幾日啼鶯舞蝶交枝聚。將落花未爲東風苦。愧俗駕難留。誰教遣漁郎去。

風流子

憶嘉陵

東風消接雪。雲開處。吹出衆山青。見墟落炊烟十家。成邑荆條行跡。千里無亭。停車住。城門巢鵲噪衙舍。



井○葵○生○子○爾○閒○身○凄○然○靜○夜○半○簾○月○影○一○枕○灘○聲○  
四○郊○頻○疑○望○西○南○近○惟○有○寇○壘○縱○橫○常○畏○邊○烽○方○起○  
客○灶○偏○增○豈○窮○困○蒙○憐○終○當○恃○賊○逍○遙○用○戒○竟○罷○留○  
兵○驚○心○最○多○往○事○常○憶○嘉○陵○

沁園春

春思

昨○夜○孤○燈○今○朝○細○雨○明○日○輕○風○漸○春○吹○草○徧○情○歸○陌○  
上○鶯○知○花○別○語○解○林○中○煖○欲○浮○烟○晴○知○捲○霧○景○物○撩○  
人○似○恨○濃○移○時○坐○有○小○橋○流○水○隔○寺○霜○鐘○陰○搖○竹○  
影○重○重○又○響○入○蕭○疎○三○四○松○看○飛○飛○胡○蝶○依○人○嬾○嬾○

紛紛柳絮撲畫濛濛。最是無聊。渾忘有約，悵望行途。  
靡所從閒尋處。記黃公壩畔。宋氏垣東。

摸魚兒  
答曹秋岳

占人間一生秋望。園林全具秋思。潛身十載棲遲後。  
偶出還欣歸駛。身倦矣也。自戀鐵舟橋畔迴波水。浴  
鷗隊裏。野趣十分長。風披月臥。愛有露沾袂。關心  
處。在近寧忌黨里。蒼漕爲計。夫米修書萬卷。能無憊。  
要。適興亡緣起。隨俗事。只幾日。桂丹萸紫。連催醉。知  
君漫寄觴咏。亦徒然。平生作達。何物使情繫。

前調 咏尊

正晴湖幾番烟雨春光都在流水蘋花萍葉微開處  
影動纏氷青縷差可喜中恰有清涼一味銷新暑堪  
供野箸果滑不沾唇肥還膩舌脆又不勝齒憑調  
醑莫下尋常鹽豉村廚淡泊偏旨清波小槩隨相取  
豈待遐求千里還自侈稱土物江東品竝鱸魚美堪  
勞客思笑歸計何遲秋風方起採已過時矣

蘭陵王

過晉故宮和朱竹垞

故關出千里西來路直名城壯烟火萬家獨有空宮

守○亡○國○銅○駝○棲○亂○棘○高○闌○長○廊○留○昔○荒○臺○冷○風○柳○露○  
桃○也○做○年○年○黍○離○泣○從○前○事○非○一○笑○避○井○何○思○焚○  
樓○滋○戚○金○牀○玉○枕○歌○傷○惻○問○梁○苑○遺○鬼○吳○宮○歸○燕○遷○  
移○時○代○誰○舊○識○蜀○鵬○正○啼○得○愁○極○又○堪○釋○任○砌○落○  
瓊○瑤○梁○剝○丹○漆○封○塵○尚○謝○他○人○室○爲○喚○啓○閑○鎖○潛○携○  
游○屐○多○才○懷○古○有○好○句○寫○粉○壁○

丁葑園澎曰。先生兩總雄藩。依然布素。從不作金華殿中語。故其小詞。意旨超遠。有睥睨古今氣概。一似揮麈家言。

吳蘭次綺曰。填詞妙麗。盡徂於風情婉嬖。殊覺闌人。茲以秋閨名詞。淡雅不俚。真刻不率。何似執襍穢子而服以清涼散也。讀者當以純灰三斛。滌腸其庶幾乎。

聶晉人先曰。向之學者。求精於詩。近來風氣。一移於詞。則所難又在詞矣。先生自序。尚有孰似孰

優之問。故於句法章法之妙。從不拾人齒牙。後  
慧。則知先生所蘊實深矣。

名家詞鈔目錄

廬陵 聶先 晉人

簋定

長水 曾王孫 道扶

南溪詞

嘉善 曹爾堪 顧菴

搗練子

長相思

相見懽

女冠子

點絳脣

二調

浣溪沙

二調

采桑子

減字木蘭花

三調

好事近

清平樂

朝中措

西江月

二調

少年遊

醉花陰

南歌子

鷓鴣天

二調

木蘭花令

步蟾宮

南鄉子

踏莎行

臨江仙

蝶戀花

二調

蘇幕遮

青玉案

千秋歲

御街行



洞仙歌 二調

華胥引

滿江紅 五調

水調歌頭

滿庭芳

燭影搖紅 二調

念奴嬌 三調

瀟湘逢故人慢

沁園春

賀新郎

南溪詞

嘉善 曹爾堪 顧菴

搗練子

春思

人正倦。畫偏長。夢醒微聞繡閣香。花徑尋芳誰是伴。  
金衣公子。雪衣孃。

長相思

寄跡荒場

溪邊蘆木邊梧。我唱新詩興未孤。錦囊隨小奴。  
權  
常枯。偶常述舊識。僧徒和酒徒。年來多半疎。

相見懽

江村

水痕新漲苔磯。杏花飛江岸。蒲牙如箭。紫魚肥。蠅  
頭利爭無已。昨元非。只有子規。明白喚人歸。

女冠子

山房寒思

吳船來往。愛聽畫角。停槳冷紅飛。石醜猶稱丈花嬌。  
却字妃。佇看千藥綻。空憶四腮肥。松鼠簷前落已。  
急機。

點絳脣

感舊

記得黃昏。斜。稍微見紅潮印。夜深低問。釀作分離恨。  
翻悔當初合了。鴛鴦枕。嗟孤另。欲通佳訊。人遠天。

涯近。

前調 陸舫春思

沙暖蒲香。鳳池漲綠。晴波皺。槎黃御柳。三月春方透。  
小徑閒吟。碧蕤生鴛甃。消晴晝。雨絲拖逗。似補梨  
花瘦。

浣溪紗 曉起

樂事貧家竟不貪。疎風斜雨過城南。單紗消受嫩涼  
甘。宿硯頻催童子滌。好花頻與侍兒簪。暗將私語  
賭宜男。

前調 秋日園居

謝客微軀不願勞。病餘覺減酒狂豪。花間行礙綏羅高。箇箇蔓牽黃荔子。垂垂架掛紫蒲萄。曉盛芳露和蘭膏。

采桑子 曉粧

曉風吹破流蘇暖。花滿香奩。蝶滿湘簾。拾起殘紅玉笋尖。未梳蟬髻如雲壓。膏沐微沾。宮粉輕拈。十樣新眉懶去添。

減字木蘭花 初夏放舟郭外

垂垂紫棟。四月江心。頻點燕亭館。誰家天竦。抽條出  
屋斜。輕舸不穩。移向伍塘。風力緊。晴日將西。黃犢  
江村水。一犁。

前調 春暮

晚飄紅雨。吹亂薔薇。啼杜宇。綠樹新陰。中有青樓。惜  
別心。湘簾半落。細聽呢喃。催繡箔。心事誰傳。傳語  
鸚哥。當錦箋。

前調 清和晝涼。釀陰不雨。小詞志憶。

籀龍抽綠。兩部笙簧。池上續。惺染薔薇。雪壓酴醾。蝶

亂飛半床絃管櫻筍風光過小滿最憶清娛釣具  
茶鎗寄五湖

好事近 送客北遊

斯世少英雄應笑成名監子衰草夕陽彌望弔金元  
遺壘霜橋孤月照空囊枯樹亂鴉起旅館蕪菁低  
照讀數行殘史

清平樂 閨詞

斜痕頻皺不似東風舊欺盡孤眠寒更透生得腰肢  
元瘦梨花靜掩長門等常過幾黃昏魂向當初銷

盡如何又說銷魂

朝中措 東于小憇

平沙水漫暮潮通。亞竹野桃紅。燕子國中，佳日白鷗，社裏東風。干將故里，避喧剗跡，斗酒過從，錯字体教鐵鑄來尊三泖漁翁。

西江月 題懸真子浮家泛宅圖和韻

有客漁焉終老。惟君賜者爲家。釣竿茶竈隔船紗。攜去隨湖上下。水口紅桃流散。山前白鷺飛斜。風波惡處舞神鴉。笑捲青簑歸罷。



前調 景陽樓

絲管競調玉樹。璚璫暗墜金鈿。酒酣狎客勞紅箋。受  
用佳人捧硯。盡道無愁天子。還疑有劫神仙。景陽  
鐘罷最堪憐。井上胭脂零亂。

少年遊 東友

故園春到弄芳菲。人靜落紅稀。柳岸漁汀風來水面。  
鴻鴈一雙飛。柳東西。含顰鶴瀟灑。菱荷衣鱸膾。  
烘鹽蕓。羹襍政。何負季鷹歸。

醉花陰 春景

烘桃熨柳春方縱。紅雨花稍重。風日近清明。幾片榆錢都弄鶯兒俻。冷烟堆徑。和誰共苦。補閒堦空杜宇。莫頻啼不喚人歸。只喚三更夢。

南歌子

西湖夜汎

鏡展嬌如雪。衫輕怯受風。薄陰偏覺鬢絲濃。獨喜清秋無暑。畫船空。頻勸杯中綠。微添酒後紅。銀箏一曲手玲瓏。見有檀痕低指印。酥醕。

鷓鴣天

秋邸

草綠閒庭曉露清。棗紅簷角媚秋晴。鸚哥簾底頻頻。

喚鴉舅。堦前細細生。銅箭靜。石床平。遊仙不與換。  
公卿樓。鞦韆。竊笠蛇條杖。好向縵山頂上行。

前調

冬日小集

赤葉樓頭好醉看。高歌一曲笑彈冠。剖香橘柚吳姬手。  
撮細蒲萄燕市盤。紅袖側。易爲歡。多情莫厭酒。  
杯殘。惟耽杜牧風流句。不點明犀也辟寒。

木蘭花令

秋憶

木瓜香徧鍾山道。桂子倩人斜插帽。歌搖朱雀橋前。  
花酒濺烏衣堂下草。十年浪跡浮雲杳。畫檻生烟。

無客到。沙家零落寇家貧。若箇琵琶傳賀老。

步蟾宮

秋意

木犀香吐金英細。碧水畔。金風如洗。高樓一夜對嬋娟。髮鬢在廣寒宮裏。疎風淡漢無纖膩。坐漸覺露華微泚。頰桐葉底。聞楊鶉空攪亂花陰滿地。

南鄉子

贈紅兒河陽妓

停酒按紅牙。蘇合香濃掠鬢鴉。秋水模糊偏可惜。天斜十五娉婷早破瓜。愁恨徧天涯。飛絮啼鶯是妾家。莫道顰脂開未足。驚誇却占河陽一縣花。

踏莎行 長安秋思

碣石岩峽。崆峒突兀。龍蟠鳳翥圍宮闕。昆盧閣上望  
神州。人烟幾點。青如髮。北海壺觴。西城鞦韆。薊門  
斗酒狂歌發。金元戰壘。草黏天。黃沙萬里懸秋月。

臨江仙 寄西湖友人

萬疊玻璃開曉鏡。畫橈隨處堪停。杏花村渚倚紅亭。  
遠山平。仲綠幽徑。寄奴青。學士橋邊髭髮。嘯扶筇。  
應到南屏。鶯啼深柳待同聽。仙人吹鐵笛。小妓索銀  
餅。

蝶戀花 秋暮

一把黃茅新蓋屋。簷角低低。爲避西風肅。欲向東籬  
重繫菊。荒園斫得湘君竹。蟋蟀寒吟聲不足。楓樹  
垂丹。還有些兒綠。九月霜痕融似玉。空堦迸下紅榴  
肉。

前調 將發廣陵留別穆倩于呈無言

驅唱催人秋未暮。兩鬢霜華。祇爲浮名誤。三五嬋娟  
垂白露。一鞭竟別揚州去。尊酒猶思良夜聚。小店  
晨鷄。月落餘烟樹。回指紅橋堤畔路。油幢烏榜年年

度。

蘇幕遮 全椒道人

冷風尖。殘月小。野徑高低。刺眼橫蒼篠。茆店孤村偏  
起早。輪與閒鷗。靜立寒汀皎。策輕車。攜布帽。客路  
年年。短髩霜深了。江汭青山屏幃繞。烟柳無情。斷送  
人昏曉。

青玉案 訪蔣存魯南湖園居

寒汀細雨。鶉鵲喚維小艇。蘆花畔。堂下殘荷香已斷。  
竹都消粉。梅纔破蠟。紙帳垂銀蒜。幽人詩興偏凌

亂清絕林塘寄柔翰。秋水南華俱把翫。公和解笑步  
兵解哭。懶解黏生銀。

千秋歲 夏日題壁

池塘清思。菡萏紅生膩。涼正嫩人初起。榴殘猶灼火。  
竹穉齊搖翠。聞巧弄。畫眉能攪西堂睡。栢子抽烟  
細。蟹眼潮剛沸。時坐卧。濃陰底。屐黏苔蘚。暈衣蒼蘚。  
矚刺還生受。桃笙簟。滑涼于水。

御街行 春遊

牆邊桃靨晴微逗。楊柳弱枝垂瘦。平郊花草逐人香。



都是黃蔬青豆。誰家少婦。踏青歸去。不省釵鈿溜。  
無情嫩綠。江邊闌喚起。迭翻新奏。暖風引出汗微香。  
沾上遊春衫袖。怪他江水。晴波有暈。似學睂兒皺。

洞仙歌 艷集

雨黏莎徑。做新涼池館。低唱頻斟莫辭滿。擁紅衫烏  
髻。倚煖偎香。稱長短。各許玉環飛燕。燈前留意處。  
隊隊繁華。急管輕圓。絡珠串。燭影動荷風。繞樹流螢。  
纔數點。偏照鉤蟬金雁。但雕闌畫閣。醉相等。爲粉黛  
消磨。壯心都減。

前調 曉過鶯脰湖

悲涼屈宋重過吳江道。小市魚蝦鬧。清曉想蛟龍睡。  
穩千頃晴瀾風色好。霜後白蘋花老。角巾還故土。  
烟月誰爭一葦凌波勝。蓬島茶竈筆床隨意具。呼取  
樵青。老蕓絲濁醪須倒看。雙丸寒暑織如梭。羨湖館  
漁榔白頭翁媪。

華胥引 蝶夢

婆娑金馬轉。盼虛空。夢中蝴蝶。燕趙佳人。良宵綺席  
偎粉膩。書生潦倒。名場薄命。元同妾。還我漁磯去。題

江上紅蕖。細雨青簑。狎波濤鷺交鷗接。舒卷閒雲。  
生疎五陵豪俠。東觀殘書猶在。偶翻行篋。鮒鯉家歸。  
鄉來無用彈鋏。

滿江紅 春景

欲問春情。嫌太薄。真如一紙粧點。出飛花亂墜。遊絲  
頻徙。江燕不與園舍小。雛鶯亦愛池亭美。草堂前。聊  
可貯閒情。栽薜芷。江梅帶將殘矣。紅杏萼。方開耳。  
有香能飼蝶。辨堪供蟻。聽鳥林間。杯在手。踏青郭外。  
錫膠齒。有時豪置酒。擁紅粧。忙珠履。

獨影搖紅 閨情

杏苑春嬌。薄寒猶禁梨花信。路青時節。做輕陰。芳徑。  
苔生暈。輕曳弓韉。未穩。嬉游心。芹泥微潤。鴛鴦成對。  
游戲波心。雙雙相近。閒悶侵尋。淚痕猶帶紅潮印。  
生憎燕子。入空梁。似說離人恨。金鴨篆烟方燼。晦流  
黃晚。風成陣。十三樓畔。廿四橋邊。歸期偷問。

前調 歌席志感

宿世良緣。蓬萊弱水。看清淺。神仙會裏。捧瑤漿。碧藕  
排高宴。今夜流蘇半卷。到擘阮。吹簫庭院。緩斟低唱。

銀○箭○頻○催○翻○嫌○夜○短○紅○袖○多○情○挑○燈○一○送○秋○波○轉○  
回○頭○慘○澹○動○離○愁○萬○里○關○河○遠○嘈○襍○華○堂○絃○管○恍○疑○  
是○夢○中○來○見○傷○心○何○處○塞○上○悲○笳○驚○飛○孤○雁○

念奴嬌

送幼光還白門同仲馭

孤○丹○初○發○正○嚴○霜○似○雪○布○帆○如○紙○一○派○殘○雲○縈○別○恨○  
愁○向○青○山○隱○几○晚○圃○黃○花○小○槽○紅○酒○客○路○誰○同○醉○蒹○  
緱○黯○淡○自○將○管○樂○爲○比○遙○念○旅○宿○方○寒○丹○陽○古○道○  
老○樹○酣○青○紫○戍○鼓○沉○沉○天○未○曉○殘○月○模○糊○映○水○白○紵○  
譚○兵○青○燈○讀○易○漫○灑○英○雄○淚○啼○烏○成○陣○石○頭○城○外○潮○

起○

前調

南飛烏鵲繞疎林。三匝無枝可寄。聊借遠游惝恍憐。  
莫似相如憔悴。山峙金焦。江來楚蜀。帆繫斜陽裏。中  
流擊楫。氣吞湖海。萬里。雙眼一望蒼茫。寒濤如箭。  
箇箇牙樯起。舊日精靈都已盡。何況堂前燕子。晉宋  
衣冠。陳隋宮寢。社鼓神鴉耳。佛狸祠下。怒潮空打遺  
壘○。

前調

寄懷魏子時官成都司李

錦官自昔稱都會佳麗已消兵劫望帝魂歸賊郭壞  
月黑悲啼古堞劍閣哀猿刀州嘯虎蜀棧行人怯草  
堂無跡。橙林猶戰風葉。聞說萬里橋西子雲宅畔。  
豐草長林接爲問薛濤箋在否。幾樹露桃紅。橋諸葛  
名垂。文翁教遠。賦緬相如獵。好等雙鯉嘉陵江上行  
船。

瀟湘逢故人慢

重過虎丘竹亭用王和甫元韻

清陰如幄。修篁拖冷翠。猶昔行窩。漫說雀堪羅。喜佳  
叢梅樹。坐遠風波。霜侵鳴腳。墜深黃。槭槭庭柯。舉頭

望五湖伊邇。好攜白恰青簑。浮漁艇衣短後。有誰  
知謫星載酒來過。烟水慣婆娑。擬回塘插柳。曲港分  
荷。已公茆屋賦新詩。不礙行歌。還消受。粥魚齋磬。新  
添一箇禪和。

沁園春

周逸僧納姬

有美一人。特地鍾情。愁城病魔。向迷樓芳草。明尊墮  
珥。竹西明月。緩度輕歌。若箇能憐。從前是恨。半掩殘  
缸卸綺羅。支餘夢。悵洗脂抹黛。密約蹉跎。欣逢才  
子來過。正三五清光分外多。喜同心。鈿合黃金可鑄。



並頭銀蒜。錦幔成窩。教鵲爲橋。呼鴛作枕。今夜雙成。  
喚奈何。眉痕細倩。詞場綵筆。畫遠山螺。

賀新郎 題畫

遠嶂雲千疊。望層巒空烟半捲。似明還滅。上有清泉  
飛一道。最可解人炎熱。石鎖處谿流如咽。下有杉松  
迷小徑。掛潺湲。樹頂懸晴雪。鴻濛後。氣猶結。誰人  
識得逃名訣。向深山結茅種竹。人跡俱絕。惡木叢中  
行已慣。不怕門前虎穴。問處聽杜鵑啼血。若向畫圖  
呼欲出。想斯人。飢骨真清徹。長往者是豪傑。

尤悔菴

侗

曰近日詞家愛寫閨襜易流狎昵蹈揚

湖海動涉叫囂二者交病顧菴獨以深長之思發大雅之音如荷露新流松風徐舉秋高遠唳曉霽孤吹第其品格在晉山渭南之間會須呵周柳爲小兒嗤辛劉爲傖父予又何人敢與之較長絜短哉

丁葑園

澎

曰詞以溫韋爲則自歐秦姜史盛極而

衰至明末習氣頽唐迄今日而始盛其猶詩之在開元天寶歟學士之詞實得花間絕妙之致

似有蘭晚金荃之麗阮亭先生嘗謂學士詞其  
源出於豳風一洗鄭衛餘習其知言乎

名家詞鈔目錄

廬陵 聶先 晉人

纂定

長水 曾王孫 道扶

衍波詞

新城 王士禛 阮亭

望江南 四調

如夢令 二調

點絳脣

浣溪沙 六調

菩薩蠻 五調

羅敷媚

減字木蘭花 二調

柳含烟

憶秦娥

阮郎歸

海棠春

二調

山花子

二調

眼兒媚

應天長

偷聲木蘭花

滿宮花

醉花陰

雙調望江南

浪淘沙

虞美人

醉落魄

踏莎行

四調

小重山

二調

蝶戀花

二調

醉春風

御街行

寒翁吟

尾犯

聲聲慢

念奴嬌

水龍吟

拜星月慢

望遠行

沁園春

賀新郎

衍波詞

新城 王士禎 阮亭

望江南

江南好。春暮雨廉纖。魚子天晴初出水，鼠姑風細不  
鈎簾。底事惱江淹。

前調

江南好。画舫聽吳歌。萬樹垂楊青似黛，一灣春水碧  
於羅。懊惱是橫波。

前調

江南好。風日近秦郵。銀甲暫停朱閣午。玉笙纔度碧  
雲秋。扶醉且淹留。

前調

江南好。最好是孟湖。何處情人名碧玉。誰家庭子號  
真珠。聊爲結相於。

如夢令

簾外游絲片片。晝靜碧虛常卷。翠雀下花陰。啄破春  
陰一綫。誰見誰見。清淚朝朝洗面。

前調

和漱玉詞



送別西樓將暮。望斷王孫歸路。昨夜夢郎回。還是舊時別處。前渡前渡。記得柳絲春鷺。

點絳脣

春詞和漱玉韻

水滿春塘柳綿。又蘸黃金縷。燕兒來去。陣陣梨花雨。情似黃絲。歷亂難成緒。凝眸處。白蘋青樹。不見西洲路。

浣溪沙

和張泌韻

記得相逢亞字城。畱仙裙底步蓮輕。吳家小女字盈盈。眉語似通還匿笑。目成難去且徐行。個儂無賴

可憐生

前調

雨後蟲絲罥碧紗。朝來鵲語聞簷牙。日痕紅暝一欄花。殘夢未遙猶眷戀。篆烟初裊半天邪。消魂應憶泰娘家。

前調 春閨三首

柳暖花寒雨似酥。流鶯和夢覺來無。東風峭峭捲蝦鬚。欲覺瀟湘屏上路。楚山如黛少雙魚。口脂慵點鏡中朱。

前調

小院薜蘿欲作叢。鞦韆池畔。回堂東日斜。鶯轉謝娘  
嬌。情思。詭人何處去。碧桐陰裏。下簾藥。玉釵微墮。  
髻鬟鬆。

前調

寶馬流蘇上洛津。玉人相見。宋家降重。重屈戌掩殘  
春。檀暈乍消。星的淺。眉痕初淡。月稜新。簾衣如縠。  
映橫陳。

前調

和漱玉詞

奩畔豪犀間玉梳。新粧纔罷曉寒初。曲欄花日影扶疎。  
金鴨暖香消桂蠹。夜蟬輕翅上桃蘇。問郎曾解畫眉無。

菩薩蠻 和飛卿詞

夢殘髻櫞垂香枕。芙蓉髻墜蒲桃錦。翠幄碧如烟。小  
星將曙天。起來雙黛淺。繡閣拋金剪。憔悴鼠姑紅。  
玉堦三月風。

前調 詠青溪遺事圖冊乍過

東風人柳三眠起。鞦韆小苑重門裏。對對浴紅衣。鴛

鴛塘上飛。個人花底見。驚喜迴團扇。含笑指鴛鴦。  
花時日日雙。

前調 私語

梧桐花落飛香雪。捲簾一片玲瓏月。人月兩嬋娟。倚  
闌凭玉肩。小鬟春睡倦。裙上苔花茜。私語好誰聞。  
姮娥應羨人。

前調 潛窺

雙雙玉兔衣如雪。中庭桂樹懸明月。也解逐雄雌。倚  
簾含笑窺。幽踪郎見慣。潛向銀屏看。嬌靨暈紅潮。

伴羞妥翠翹

前調 秘戲

蟬紗半幅圍紅玉。龜紋枕畔雙鬟綠。銀蒜鎮垂垂。含羞忍笑時。屏山金屈戌。女伴偷相覷。明日回堂中。須防面發紅。

羅敷媚 隋堤

隋皇昔幸東都日。錦纜迢迢。鳳艚龍艘。剪綠宮中暮。復朝。琵琶忽唱安公子。紅炬烟消。故國寒潮。一曲清江柳萬條。

減字木蘭花

楊花和禽洲韻

紗窓夢起。極目玉關人。萬里斜綰千條。自古銷魂是  
灞橋。春陰不盡除却殘鶯。誰借問陌上樓前。消得  
香閨幾日。憐。

前調

爲長沙女子王素音作用辛稼軒韻

離愁滿眼。日落長沙秋。色遠湘竹。湘花腸斷。南雲是  
妾家。掩啼空驛魂。化杜鵑無氣力。鄉思難裁。楚女  
樓空。楚雁來。

柳含烟

銷魂樹。曲江邊。移自宋豐坊。裏東風吹雪。又吹綿。艷陽天。何處行人歌水調。極目粘天芳草錦帆曾此。向天涯落誰家。

憶秦娥

秦淮水。紅樓一帶波如綺。波如綺。琉璃牕下。水晶簾底。梅花點額芙蓉髻。粧成照影春波裏。春波裏。方明鏡。朝朝孤倚。

阮郎歸

清明邢上

平山堂外又清明。春蕪初蘸青。梨花燕子滿江城。人



家聞賣餠。邀伴去踏莎行竹西歌吹聲。酒旗一片  
颺前汀。青絲何處停。

海棠春

曉粧

鸚哥初喚聞。方響幽夢起。日浮交網。花影罨流蘇。一  
片紅潮漾。新梳小髻。翻荷樣。初緝額。邀郎相賞。慵  
画小山眉。黛粟畱張敞。

前調

晚浴

星光碎月。搥花影。神麥響。夢回人醒。小婢鬻蘭湯。玉  
沁冰壺冷。沉香卷髮盤龍鏡。遲半晌。鮫綃重整。不

管繡簾前費盡黃金餅

山花子 秋閨

斗帳初垂嬾卸頭。任他紫棧減秦籌。簾外銀河天似水。數更籌。梧葉催蛩涼到枕。花枝和月午當樓。還比殘春寒食夜。一般愁。

前調 寄程崑崙京口

黃鶴山前黃鶴鳴。杜鵑樓外杜鵑聲。記得戴顓招隱地。共經行。北固雲烟春望遠。南徐風雨暮潮生。一片澄江如練影。接蕪城。

眼兒媚 感舊

少年無賴好尋游。何處著閒愁。羅敷陌上，窈娘堤畔，到處淹留。  
艷情綺思，消磨盡，往事似塵漚。楞伽堆案，離騷繫肘，別樣風流。

應天長 閨人刺繡

餞春時節，深深院，睡起金衣花外。轉繡牀輕，素絲軟，一幅吳綾秋水面。  
麝烟微，螺黛淺，衣上唾絨紅濺。花落日長，人倦偏髻，拖殘線。

偷聲木蘭花 春情寄白下

綠楊影裏鞦韆索。乳燕學飛池上閣。水漲銀塘落絮。  
浮萍又夕陽。方山亭下江南路。画槳凌波從此去。  
十四樓空萬葉千花淚眼中。

滿宮花

戲題吳蕙仙花卉便面

漢宮春。湘竹扇寫出一痕清怨。輕綉半幅。不禁秋幾。  
點墨花輕茜。憶燃脂思捧硯。餘響猶聞金釧。武陵  
倘許問津來。可似漁郎花片。

醉花陰

和漱玉詞

香閨小院閒清晝。屈戌交銅獸。幾日怯輕寒。蕭局香

濃不覺春先透。韶光轉眼梅花後。又催裁羅袖。最  
怕日初長。生受鶯花打疊人消瘦。

雙調望江南

江南憶。風景奈何春。鵝子蘸絲黃。淡淡鴨頭染水綠。  
繡繡帘外杏花村。江南憶。秋氣倍關人。楚塞鴻歸。  
山近遠。吳江楓落雨。繽紛誰道不銷魂。

浪淘沙

和漱玉詞

硯匣日隨身。檢點殘春。橫雲斜月閉鮮新。昨夜相思  
曾入夢。香雨香雲。記得鬪丹唇。似喜還嗔。醒來惆

名  
家  
詞  
錄  
悵隔仙津。欲識迴腸千萬轉。日日車輪。

虞美人

和李後主韻

杜鵑庭院春將了。斷送花多少。幾層楊柳幾層風。總付銀屏金屋夢魂中。合歡枕上香猶在。好夢依稀改。迴環錦字寫離愁。恰似瀟波不斷入湘流。

醉落魄

讀天寶遺事

風流堪惜。沉香亭下雙鶺鴒。長生殿裏如膠漆。別苑梨花偷試。寧王笛。漁陽戰鼓驚相逼。馬嵬古驛。羅衫濕。秋槐落盡空凝碧。殘月華清何處人行跡。

踏莎行

春寒聞怨和雲閣詞

燕補新巢。花開舊樹。經時不到南園路。水晶簾額又  
斜陽。風前陣陣飄香絮。已怕春來又愁春去。錦屏  
繡幙。畱春住。爲誰憊。爲誰憐。紅顏半是青春悞。

前調

秦淮清明

風雨清明。鶯花上巳。樓臺四百南朝寺。水邊多少麗  
人行。秦淮簾幙長干市。暮地愁來于卿何事。梁陳  
故蹟。消魂死。禁烟時。節落。花朝。東風芳草含情思。

前調

咏鏡

香壓彤奩光迎羅幌。圓水背結盤螭樣。一泓春水碧。  
如烟誰教移向粧臺上。脉脉相看盈盈難傍。影娥  
池畔憑闌望。粧成雙鏡照明簾。芙蓉並蒂波間漾。

前調 醉後作

屈子離騷史公貨殖。直須一石曹騰醉。胸中五嶽不  
能平。何人解釋狂奴意。修竹彈文綠蕉封事。聊將  
筆墨供遊戲。茂陵若問馬卿才。飄飄大有凌雲氣。

小重山

和湘真詞

行雲如夢雨如塵。秣陵惆悵事。最傷心。當年瓊樹照



臨○春○胭○脂○并○猶○帶○落○花○痕○  
芳○草○碧○氤○氲○舊○時○朱○雀○  
桁○幾○回○新○青○溪○休○賽○蔣○侯○神○  
風○景○換○紅○淚○上○羅○巾○

前調

夢○裏○秦○淮○清○夜○游○銀○罍○檀○板○地○  
幾○經○秋○青○溪○如○帶○掌○  
中○流○三○十○曲○曲○曲○木○蘭○舟○  
錦○瑟○伴○箜篌○春○江○花○月○  
裏○不○曾○愁○折○梅○何○日○下○西○洲○  
音○信○斷○愁○上○閨○江○樓○

蝶戀花

和漱玉詞

涼○夜○沉○沉○花○漏○凍○欹○枕○無○眠○  
漸○聽○荒○鷄○動○此○際○閒○愁○  
郎○不○共○月○移○牕○罅○春○寒○重○  
憶○共○錦○衾○無○半○縫○郎○似○

名  
桐花。妾似桐花鳳。往事迢迢徒入夢。銀箏斷續連珠弄。

前調

和少游韻

啼碎春光鶯燕語。一片花飛。又是天將暮。欲乞放晴春不許。黃昏更下廉纖雨。春去應知郎去處。好囑春光。共向郎邊去。畢竟春歸人獨住。淡烟芳草千重路。

醉春風

吳陵送春

一霎春將雨。忽報春將暮。謝家飛絮沈郎錢。去去去。

多少英雄割據都付與東流矣。盡道長江天塹暗  
消磨幾番戰壘。師兒年少寄奴老手正堪相配北府  
風流子有孫權甥如無忌到而今洗馬臨江愁絕一  
天烟水。

拜星月慢 踏青歸晚

雨暈紅酥波酣碧醞。乍是清明百五。花信風輕拂繡  
簾珠戶。人初起。慵向鏡臺勻面。何處隔窗低語。青雀  
傳書約。踏青同去。樂游原一片香車度。玉津園十  
里烟花路。無恙往歲春光又匆匆相遇。倩游絲牽惹。

東君任消魂。絕幾陣棠梨雨。呼女伴歸去。瓊閨掩漫。  
天飛絮。

望遠行

蜀岡懷古

江樓昨夜聞哀角。瀟灑斜陽將暮。淮南水驛。故國長  
亭。一帶迷離烟樹。秋月春雲。歲歲天涯孤旅。贏得壯  
懷如許。最難禁。常是梅天絲雨。誰語。獨上蜀岡騁  
望。見亂柳。栖鴉無數。板渚人歸。玉鈎夢杳。不記離宮  
何處。憶自吳王。僭竊阿廋游幸。幾度蕪城堪賦。但井  
欄風急。精靈來去。

沁園春

偶興

春去秋來。林無靜柯。川無停流。憶卓女壚邊。花籠趙瑟。要離塚畔。霜淬吳鉤。劍客從游。酒徒託乘。意氣居然橫九州。誰知道。看王家所養騎尉通侯。十年壯志難酌。但眼底清樽恣拍浮。謂萬戶千鍾卿其休矣。千峯萬壑吾又焉求。龍性難馴。鳴飛何慕。爭席休驚海上鷗。忘機久。任行歌帶索。五月披裘。

賀新郎

夜飲和竹山韻

過雨花如繡。正罌恩四面低垂。繁英香透。結客十年。

知已少何似銀箏翠袖莫須問濤飛山走且解金龜  
休作惡未傷神絲竹中年後空淚墮金城柳長安  
一雨分新舊更誰能望塵膝席爭名鷄口高誓安期  
靈氣盡一望三山似阜但海水盡成醇酒鸚鵡螺卮  
金不落問狂生得似公榮否休暫捱捱纂手

鄒程村

祇謨

曰序衍波詞如唐祖命云極哀艷之

濃情窮情盼之逸趣其旖旎而穠麗者則景煜  
清照之遺也其芊綿而俊爽者則淮海屯田之  
匹也丁景呂云朦朧萌折明雋清圓即令小山  
選句以爭妍淮海含毫而競秀諒無慚夫入室  
或興嘆於積薪徐東卿云流商激楚之音發於  
揚清之技芳澤襍揉竹絲漸近錦囊之句兼善  
夫短長團扇之篇妙得諸叅錯凡茲數則不獨  
爲阮亭詩餘寫照亦可以源洞詞蘊矣

聶晉人

先

曰衍波詞香艷驚人耳目每讀一闕便

稱詞壇大觀不知抹倒海內幾許詞人至其縱  
筆任意之妙公孫氏舞劍器渾脫瀏漓差足相  
擬美門先生每拈其佳句云衍波一集體備唐  
宋之長信夫